

ORATIO

IO. IACOBI GRYNÆI, DE  
VITA ET MORTE REVERENDI ET  
CLARISSIMI VIRI, FRIDERICI VVIDE-  
BRAMI, Doctoris Theologi: Nonis Iu-  
nij in Academia Heidelberg-  
si recitata

à

BARTHOLOMÆO PITISCO, GRVN-  
bergensi, Silesio.

ADDITA SUNT CARMINA ET  
*Epitaphia in eiusdem obitum.*

IGNATIVS.

Amor meus crucifixus est.



HEIDELBERGÆ,  
TYPIS IACOBI MYLIJ.

---

clō 15 xvc.



Ob. 6. II. 3071



AD ILLVSTREM ET GENE-  
ROSVM D. D. EBERHARDVM, CO.

mitem Solmensẽ, &c. Heidelbergensĩs Acade-  
miæ Rectorem Magnifi-  
cum.

**H**æc tora Mæonides & fortem cantet Achillem:  
Vergilius Phrygi prædicet arma Ducis.  
Nos Christi insignem multa pietate ministrum,  
Insignem multa dicimus arte virum:  
Qui vivens docuit nos rectè vivere: mundo  
Excedens docuit nos, benè posse mori.  
Eximia hæc laus est: quam si quis captat, eodem  
Ad metam cursu, quo VVidebramus, eat.  
Optatum monstrabit iter sermone disertò  
Grynæus, sacri parsq; decusq; chori.  
Quem ceu voce prius, sic nunc evulgo libellis,  
Idq; sub auspicijs MENS GENEROSA tuis.  
Vt cuius tumulus, tumulumq; sequentia Sacra  
Splendore illustri sunt decorata tuo:  
Ille tuas laudes atque ornamenta vicissim  
Augere, & toto spargere in orbe queat:  
Sicq; nouo exemplo, ostendat, post funera gratus,  
Ingrati quoniam mens sit habenda loco.

Barth. Pitiscus.

PROGRAMMA.

RECTOR ACADEMIAE  
HEIDELBERGENSIS, EBERHARDVS  
COMES SOLMENSIS ET DOMINVS IN  
Müntzenberg & Sonnenwalde/ omnibus omnium  
ordinum Doctoribus, Candidatis & to-  
ti studiosæ Iuuentuti  
S. P. D.

**H**ERI mane, febre hectica consumens, piè & placide  
obiit, vir Reuerendus, & omnium bonorum memoria  
& amore dignissimus D. Fridericus VVidebramus,  
S. Theologiae excellentissimus & orthodoxus Doctor: qui quum  
per omnem vitam suam piè, justè & temperanter vixerit: & in  
vitæ suæ catastrophe, fidem erga Dominum Iesum Christum, char-  
ritatem erga totam Ecclesiam, constantiam in veritatis profes-  
sione, patientiam & alias virtutes, sic omnibus qui eum inuisere so-  
lebant, probauerit, ut nemo non cum fructu sanctum senem &  
intueretur & alloqueretur: dignissimus enim verò esset, cuius exe-  
quias sua praesentia exornent omnium Professionum homines.

Hortor itaque Academiae huius Doctores & Professores, li-  
teratam Nobilitatem, studiosam Iuuentutem, ut frequentes paulò  
ante secundam horam pomeridianam accedant, ad aedes, in quibus  
eximius hic Dei seruus postremos suæ vitæ dies, sanctè & cum deo  
fiderio migrandi ad Christum, cui vixit & mortuus est, clausit.  
Benè valeat. Perscriptum 3 Maij. 1585.



**I**LLVSTRIS & Magnifice D. Rector, Idem-  
que generose Comes: clarissimi Patres & Do-  
ctores Academici, heroica Nobilitas, amplis-  
simi Hospites, studiosissima Iuventus:

Quamquam hoc nouissimo vltimæ Dei patientiæ tempore, neq; veritas, neq; innocentia ipsa, quicquam, seu publicè seu priuatim, profiteri potest: quod non in dubium vocare, aut theonino dente calumniando arrodere auit tragicus aliquis, suiq; fati immemor, Theocrines, cui ne quidem cum Sanctorum virorum in Christi Iesu sinu quiescentium memoria luctari, religio est: quia tamen nos decet, non vinci ab eo quod est malum, sed bonitate malitiam vincere: & supersunt bonæ Naturæ, quæ delectantur virtutum exemplis & elogiis, haudquaquam illibenter nonnulla dicam, de viri clarissimi & integerrimi, D. FRIDERICI VVIDEBRAMI, S. Theologiæ Doctoris orthodoxi, vitæ & ministerii, quo, Dei consilio seruiens, piè defunctus est, curriculo & periodo.

Quum autem mihi nequaquam dubium sit, de omnium vestrum præstanti tum iudicio, tum voluntate: non vtar longo procemio: sed, in nomine Domini nostri Iesu Christi, initium faciam ab ea Davidis Regis & Prophetæ sanctissimi, sententia, diuinitus inspirata, cuius illustre exemplum, historia de vitæ, ministerio, & pio obitu Doctoris VVidebrami, nobis subministrat.

Iustus vt Palma germinabit: vt Cedrus in Libano succrescet cum augmento. Plantati in domo Iehouæ, in atriis Dei nostri flore bunt. Psal. 92. II. 12.

Vt enim Palma arbor est: ἡ ἀπὸ φύλλου, hoc est, frondibus perpetuò virens: vt impositis ponderibus



neutiquam cedit: vt cultellato cortice difficilis est ascensu, fructus autem suauissimos profert: vt denique certaminibus sacris communes subministrat coronas: Ita hic vir longè optimus, per omnem vitam virescente laboribus, vulneribusque, virtute excelluit: cruce Christi in humeros sublata, ea quæ sursum sunt quærens, Dominum strenuè sequutus est: Mundo blandienti *δυσπρόσος* ☉, fructus dulcissimos Spiritus sancti, charitatem, gaudium, pacem, lenitatem, benignitatem, bonitatem, fidem, mansuetudinem, temperantiam, fructuosus ijs quibus cum vixit, protulit: & iam coelestis illius coronæ particeps factus est.

Vt etiam Cedrus, carie vetustateque consumi nescia, inter æternas materias, vt Plinius loquitur, commemoratur: ac teste Dioscoride, succum subministrat crassum, pellucidum & mirè odoratum, qui morua corpora seruât incorrupta: Ita VVidebramus noster, cum Christo Iesu *καὶ μετ' αὐτοῦ* plantatus ita coaluit, vt huius virtutis viuifico, lucidissimo & fragrantissimo succo, in sese deriuato recreatus, illuminatus & perfusus, gustum æternæ vitæ superstes in hac mortali vita perciperet: & sese ad Christum per *ἐν θανάτῳ* optatam migrare cupere: ac ad beatam *ἁθανάσιον* contendere, etiam in vltimo suo agone, sæpenumero profiteretur.

Hæc nimirum eorum est optatissima beatitas, qui plantati in domo Iehouæ, florent in atrijs Dei nostri: qui domestici Dei & Sanctorum conciuies sunt: qui denique Iehouam timent, & in vijs eius ambulant.

Cleobulus apud Diogenem Laertium, nimis verè affirmat, quosdam patriæ dedecori esse, quibusdam  
autem



autem patriam esse dedecori. Felices ergo sunt ij, quibus patria benè morata ornamento est, & qui eidem ornamento sunt.

In horum numero & noster Doctor VVidebramus est, qui anno Epochæ Christianæ 1532, 4 die Iulij (quo ipso die tredecim annis antè, D. Lutheri & Eccij Disputatio, Lipsiæ haberi cœpit) Pesneccij, Voitlandiæ oppido haud quaquam incelebri, natus, gloria nominis sui, patriæ celebritatem auxit. Prima tamen patriæ laus ab Ecclesia, communi fidelium patria, cuius ciuem esse præcipua laus est, vt ait Basilius, Dei beneficio, eidem est concessa.

Vt autem omnia humana ξύμμικτα sunt, & temperamento rerum tristium ac latarum constant, ac ferè plus aloës quàm mellis habent: & verè dicitur in veterè versu: Ipsa dies quandoque parens, quandoque nouerca est: Sic annus ille, tristis quidem fuit obitu Illustriissimi & pientissimi Principis, Ioannis, Ducis Saxonix, Electoris, qui ante biennium vnà cum alijs quibusdam Principibus, Augustæ, in Comitijs, Fidei suæ Confessionem, Carolo V. Imperatori Augusto, obtulerat: lætus verò & auspicatus, pacis publicæ beneficio nostris Principibus & Magistratibus à Cæsare concesso, donec generale, liberum & Christianum Concilium celebraretur. Hanc autem impetrasse perhibentur, Albertus Archiepiscopus Moguntinus, idemque Marchio Brandeburgensis, & Ludouicus Comes Palatinus, Electores; quibus duobus Principibus superstitis, bellum ob religionem nostris non est illatum, quòd essent quasi publici εἰρηνοποιοὶ in Germania nostra.

Natus est autem Doctor VVidebramus, honestissi-



mis parentibus, Bonifacio VVidebramo patre, & matre Anna Stappia, quæ fuit filia, Consulis eius Oppidi Friderici Stappij.

Quod si verum est illud Platonis, Quales sunt filij, talis est & domus gubernatio: & illud Euripidis: Filij mares sunt columnæ familiarum: benè moratam fuisse oportet eam familiam in qua is natus est & educatus, qui & habuit cur de honestate parentum gloriaretur, & hoc præstitit, vt grandæua parens, sibi tali pietate & ingenio filium esse, gratularetur. Vtinam verò Iuuentus, tanti viri exemplo admonita, non memoria tantum, sed etiam benefactis id repetat, quod præclare dixit Ioannes Chrysostomus: Iustius est vt de te glorientur Parentes, quàm tute de parentibus.

Patrem, VVidebramus noster admodum puer, non amisit, sed ad cælestem vitam & consuetudinem præmisit: ac ipse, ab auo materno educatus, quòd ingenio esset *ἐν φύσῃ*, ad studia literarum adhibitus fuit, in patria primum, mox Neobyrgi & demum Isennaci: in qua vrbe tum temporis egregij formandæ pueritiæ & adolescentiæ artifices, & tanquam *ἐργαστήριον*, Medlerus & Rosinus, florebant. Quòd autem hisce duobus Præceptoribus eius indoles & ingenium probaretur, & ipse sibi non deesset, felix fuit pueritiæ illius institutio, & disciplina seuerior, quæ firmat ingenia, & apta reddit magnis conatibus: vt ait Seneca.

Quum autem nimis verè Theophrastus dixerit, admodum difficile esse de Iuuentute diuinare, quòd ea ætas ferè incerta sit, sine scopo feratur, multisq; mutationibus obnoxia, aliàs aliorsum feratur: Prouidentia diuinæ, & ei quidem admodum propitiæ, acceptum ferri debet, quòd VVidebramus noster, ætatis suæ anno deci-



no decimo septimo, Christi Iesu 1549, Ienam Thuringorum, tanquam ad mercatum bonarum literarum missus, optimos eruditæ doctrinæ & pietatis doctores, & morum gubernatores, Iuuenis sortitus est; & quod eorundem virtutum exemplo se flecti passus est.

In horum numero erant, Erardus Sneppius, S. Theologiae D. eximius, cuius in dicendo  $\delta\alpha\nu\acute{o}\tau\eta\tau\alpha$  & ybertatem, illi qui viuum in laudatissima Tubingensi Academia, docentem audierunt, olim non satis celebrare poterant.

Victorinus Strigelius, δευτεράγωνιστής, secundum locum obtinebat, vir certè dignus Socratis laude, cuius his verbis meminit Xenophon: μόνον δὲ φάσκαρ αὐτόν τιμιον εἶναι τιμῆς, τοὺς εἰδότες τὰ δέοντα, καὶ ἐξημενεῦσαι δυνάμεναι. Solos eos honore dignos iudicabat, qui ea quæ oportet sciunt, & rectè eadem oratione sua explicare possunt. Quod enim Senecæ consilium sequutus, certis ingenijs sibi immorandum, rectè iudicaret: & Melanchthoniæ doctrinæ copia, & sermonis sinceritate, & proprietate, perspicuitate, & facilitate delectaretur: sic eum imitari studuit, vt tandem diligentia & exercitio iugi id obtineret, Melanchthonem vt felicissimè in docendo & scribendo repræsentaret.

Iohannes Stigelius, Poëta & viro optimo tertiū obtinuit locum, tanquā Academicus *τηταγωνισης*, cuius institutione & exemplo excitatus VVidebramus, naturalem illum impetum ad Poëticen, ardentio rem & firmiorem in sese fieri sentiens, carmen initio componere, tandem etiam magna vbertate suauitateque fundere cœpit.

**Biennio pòst, Iena, in quo oppido eo tempore non-**

B

dum



dū erat Academia priuilegijs instructa, VVit ebergam profectus est, vt Philippum Melanchthonem, Germaniæ Phœnicem illum Christianum, audiret. Etsi autem hoc illi cum multis alijs commune fuit: felix tamen præ multis alijs idem fuit, singulari beneuolentia & amore tanti viri; & quòd doctrinam Religionis, quæ ab eodem piè tradebatur, rectè didicit. Vt enim Aristoteli perhonorificum fuit, quòd annos viginti Platonem docentem audiuit, eique familiaris fuit: Theophrasto verò Lesbio, & Menedemo Rhodio, quòd Aristotelis γυναικι fuissent auditores & σπουδασαί: Ita profectò, & Doctori VVidebramo, magnæ laudi est, quòd laudatissimo & integerrimo viro, D. Philippo, mores, ingenium, harmoniam Musicam & poëticam, ac in primis veram erga Deum pietatem ita probauit, vt ei charissimus & acceptissimus esset.

Magisterij Philosophici honestissimum testimonium (quo magni illi viri, præceptores nostri, Melanchthon, Camerarius, Simon Grynæus, contenti fuerunt) in eadem Academia, Anno Christi 1555, ætatis suæ 22, virtute & doctrina sua assequutus est; quum hoc illi studio esset, quod Anacharsi, qui (vt est apud Diogenem Laërtium) ad Cræsum Lydorum Regem scribens, olim testatus est, se ideò Athenis in contubernio eruditum, quàm Sardibus in aula viuere malle, vt aliquando doctior & melior in patriam redire posset. Vt tamen verò hoc ipsum omnibus qui honestissimo studiorum nomine gaudent, cordi sit.

Sequente anno, ducta Hennaci in vxorem Elizabetha, consulis Ioannis Noëdemi filia, pietatis, pudicitiae & industriæ Oeconomicae laude conspicua virgine, maritus factus, de sacro & publico munere, in quo Dei consilio



consilio, & aliorum vtilitati, pro eo talento quod à Domino acceperat, seruire posset, cogitare: & legitimam vocationem expetere & expectare coepit. Sunt enim, vt habet Prouerbiū: ἄφ' ὧν οἱ μισθῶν ἴσται: expertes in uidentia Musarum ianuæ: ac bonæ naturæ, si quod talentum diuinitus sese accepisse animaduertunt, id ad Dei gloriam, & multorum vtilitatem erogare, studio habent.

Haftenus eam partem vitæ Doctoris VVidebrami breuiter mihi videor delineasse, quæ minus habuit alios, plus autem mellis: superest, vt ad eam partem accedam, in qua de laboribus, de certaminibus, & de exploratione fidei illius, denique & de pio obitu, breuissimè & citra μεμψιμοιρίαν & citra insectationem, mihi agendum erit.

Quum Melanchthon prudentissimo Senatui Seruestano hortator esset, VVidebramus ab hoc ad gubernationem Scholæ, Anno 1557 vocatus, de pueritiæ studijs optimè meritus est; quum, vt ait Fabius, ipse præceptor nec haberet vitia, nec etiam ferret. Quia tamen optimus quisque Præceptor frequentia gaudet: vt idem Fabius testatur: exacto biennio, bonæ cum omnium pace, Isennacum migrans, sibi delegatum Rectoris in eius oppidi Schola munus suscepit, eoquæ fideliter per aliquot annos defunctus est.

Et si autem imperitis rerum æstimatoribus, humile istud vitæ genus esse videtur, in puluere scholastico versari, & in eo florem ætatis consumere molestum: & indignum homine ingenioso: quia tamen præceptoris opera ad hoc prodest plurimum, vt pueris honesta faciat iucunda: vt Plutarchus alicubi monet,



ac verè dixit Cicero : Nullum munus melius maiusue Reipub. adferre possumus, quàm si doceamus & erudiamus Iuuentutem, ijs præsertim moribus & temporibus, quibus ipsa prolapsa est, vt omnium opibus refrenanda atque coërcenda sit: quantum Respub. Christiana Ludimagistris doctis, ad docendum aptis, laborum tollerantibus, disciplinæ amantibus, debeat, nōn certè obscurum est.

Vt autem virtus & doctrina in obscuro esse nequeunt: & mediocres honores tempus auget; immodicos abolet, vt prudenter Theopompus Pylijs rescripsit: sic VVidebramus noster super pauca fidelis, super multa autem constituendus, diutius latere non potuit. Vocatus literis publicis Ienā Thuringorum, in efflorescentem Academiam recens institutam, linguæ Latinæ Professore egit ex Virgilio & Cæsare: ac Dialecticæ, quæ est ὀργανὸν ὀργάνων & Philosophiæ manus fideliter exposuit: dignus profectò insigni elogio, quo vetustas Epicharmum olim suo merito commendauit:

πολλὰ γὰρ ποτὶ τὰν ζῶντων τοῖς πασὶν εἶπε χεῖρ σίμα:  
μεγάλα χάρις αὐτῷ.

Quòd autem in ea vrbe, quidam ἑτεροδιδασκαλῶντες, parum æqui essent, pridem piè defuncti Melanchthonis doctrinæ & consiliorum æstimatores: atque adeò ijs omnibus, qui hæc probantes, delectabantur memoria virtutum, doctrinæ, & meritorum in Rempub. Christianam tanti viri, infesti essent: factum est, vt humanissimis literis Doctoris Peuceri, doctissimi ac optimi quidam viri, VVitebergam accerferentur, ac eò quoque sese conferrent. In horum numero fuit & Chri-



Christianus ille clarissimusque Iurisconsultus Germaniæ, Dn. Matthæus VVesenbeccius, & VVidebramus noster; qui illud Ciceronis ad Atticum dictum probans: Nihil bono viro ac quieto magis conuenit, quàm abesse à ciuilibus controuersijs: cedendum sibi τῇ θυμομαχίᾳ & odijs quorundam hominum censuit: sicut sæpe boni viri, ne cum arena luctandum esset, vehementioribus ingenijs cesserunt, ne maiores motus in Ecclesia aut Republica excitarentur.

Factum est autem, Anno Christi 1570, vt vnanimi consensu, Ecclesiæ, Senatus & Academia VVitebergensis, cura Pastoris eius Ecclesiæ, post obitum Reuerendi & clarissimi viri Doct̃oris Theologiæ, Pauli Eberri, Domino VVidebramo, seriò tantam prouinciam detrectanti, demandata sit. Tanti muneris functionem, quum diu multumq; citra ἀκτισμόν suscipere recusauisset, amplexus tandem fuit cum hac protestatione, vt videlicet cæteri Theologi, si quādo res ita postularet, consilio & auxilio ipsi præstò essent. Non enim solebat ἰδιοβελιῦν, & seipsum solum audire, admirari & efferre: vt faciunt ἰσχυρογνώμονες & ambitiosi homines. Non autm multò post mandatu Illustrissimi Principis Electoris, Saxonie Ducis, D. AVGVSTI, vnà cum alijs quibusdā doct̃issimis viris, Theologiæ Doct̃oris gradu & testimonio est ornatus. In horum numero fuerunt, viri bonorum amore ob virtutem & ἀρετοδοξίαν dignissimi, Henricus Moller, quem doct̃issimum: Caspar Cruciger, quem acutissimum: Christophorus Pezelius, quem disertissimum: vt VVidebramum nostrum pientissimum grauissimumq; , felicem & sapientem ingeniorum æstimatorem, pronunciasse accepimus: D. PEVCERYM: cui viro, doctrina & virtute:



præcellenti, non cum Antisthene, Socratis robur & tolerantiam: sed potius cum Petro Apostolo, virtutem in fide, & mitigationem ærumnarum opto. De cæteris viris clarissimis, qui istorum ἑμπαγασάται & collegæ fuerunt, ideo mihi nihil dicendum censeo; quia vnumquemq; sua suorumq; laude delectari persuasum habens: malim illis apud Christum Iesum bene precando prodesse: quàm apud homines meo encomio molestus esse.

Accepi Dominum VVidebramum ingenuè magnis quibusdam in hac vrbe viris factum esse, se, quum ad Ministerium Ecclesiæ accederet, alienum à sententia, quam de Eucharistia nostræ Ecclesiæ profitentur: hoc tantum habuisse, vt nostros iudicaret odio nō habendos, nec hostilibus anathematismis & virulentis Scriptis insectandos. Sed quum incidisset in quosdam doctos & exercitados homines, qui ijs argumētis piam nostram doctrinam defendebant, quibus non nisi responsionibus ab ipsomet D. Luthero in polemicis scriptis traditis, satisfieri posse opinatus fuerat: vbi vidisset nullum Argumentum ita solidè ab eodem confutari, paginas interdum ironijs, sarcasmis & alijs inconsultis vocibus respergi: lacrymis præ dolore se paginas illas madefecisse, confitebatur. Fortassis aliquis σεπτογνώμων sinistrè id interpretaretur. Sed tamen, quum Lutherum Dei seruum, non ita impotenter in conseruos, doctrinâ, si non superiores, certè pares, debacchari & detonare debuisse, serui Christi officium postulet: quis miretur, tùm VVidebramum deplorassee Lutheri infirmitatem: tùm multos modestos & elegantes homines, à nobis admoneri, vt illius viri Scripta polemica legentes, quid de eius doctrina



doctrina Eucharistica sit statuendum, ex vehementissimæ intemperici gustu, cognoscant. Vtinam, utinam homines moderati, qui Lutheri opinionem imbiberunt, Lutheri polemica Scripta legant, & ad analogiam fidei exigant: nec de Lutheri dogmate prius pronuncient; quàm, accuratè illius Scriptis lectis, & cum vel vñco Oecolampadij Dialogo collatis, quid sibi tãdem sit statuendum, intellexerint. Nam & illis diu deliberandum, quum semel est statuendum.

Anno 1572, Dresdam vnà cum optimis & doctissimis Collegis vocatus est VVidebramus, vbi cōsensu Theologorū, qui tum erant in ditione illustrissimi Electoris Saxonie, Formula Consensus Dresdensis deliberata & edita fuit.

Sequente anno, Thuringiacarum Ecclesiarum inspectioni, vnà cū alijs quibusdam Theologis, interfuit.

De his omnibus, vt maximè nemo nostrum sibi iudicium sumat: quòd de ijs quæ minùs comperta nobis sunt, minimè nobis sit pronuntiandū: ne videlicet calculi nostri præuertant cognitionem: Christianæ tamē charitatis fuerit, omnia in meliorē partē interpretari; nec prius de aliorum laboribus, consilijs, dictis, factisq; pronunciare, quàm censoria æstimatione, eaq; seuerissima, erga nosmetipsos defuncti fuerimus.

O utinam nos ad suefaciamus ad eam moderationem & ἐπιεικειαν, vt quū de alijs nobis est pronuntiandum, initium faciamus à virtutum Dei quæ donorum humanissima inuestigatione, & candidissima æstimatione; nec temerè, nec προπετως, nec etiam prius ad reprehensionem vllius vel minimi vitij accedamus, quàm nos ab eo tam longo discrimine abesse rectè collegerimus, quanto à Smaragdo vitrum, ab auro plumbum, abesse intelligimus. Sed hanc modera-



derationem probabunt ij, quibus id dabit is qui dixit, ad confusionem superbiorum, ad solatium humiliorum: DISCITE A ME, QVOD MITIS SIM ET HV- MILIS CORDE. Matth. ii. 29.

Interea dum hæc fiunt, Dominus Iesus respexit optimum virum Doctorem VVidebramum, & eodem tempore, veritatis circa rem Eucharisticam fulgore, mentem eius magis magisq; illustravit: & eundem veritatis comitem CRUCEM gestare iussit.

Præclare autem Maximus in Sermone de Martyribus dixit: CRUX non solum dicitur, quæ tempore passionis ligni affixione conficitur: sed quæ totius vitæ curriculo cunctarum disciplinarum virtutibus coaptatur. Vt non solum intelligatur crux ligni patibulum, sed piæ vitæ, virtutisq; propositum: vnde omnis Christiani vita, qui secundum Euangelium vixit, crux est atq; martyrium.

Sequente anno, qui fuit 1574, ob diu multumque denegatam subscriptionem Torgensium Articulorum, De controuersia Eucharistica, vnà cum alijs præstantibus viris, captiuitate, cuius (vt in Epistola quadam ait beatus Hieronymus) nulla maior calamitas est, quàm ad alienam libidinem trahi, & menstruo carcere mulctatus: certis tandem expressisq; conditionibus, quarum testes se fore quidam Lipsenses Theologi, sanctè receperant, eisdem subscripsit. Sed conditiones eæ postea (vt mollissimè loquar) ab his neglectæ, nec etiam editæ fuerunt.

Mihi sanè de eiusmodi subscriptionibus, quæ nunc etiam à Iurisconsultis, à Medicis, à Philosophis extorquentur (vt Scripta quædam noua, ephemera, malefica in Ecclesias auctoritatem aliquam fidemq; consequan-



sequantur) cogitanti, sæpenumero in mentem venit Hilarij Pictauiensis, de Concilijs differētis, oratio memoria dignissima, in qua Gallicanis Ecclesijs eo nomine plurimum gratulatur, quòd nullam aliam nec excudissent, nec recepissent, nec omnino nouissent Confessionem, quàm veterem illam, & simplicissimā, quæ ab ætate Apostolorum apud omnes Ecclesias recepta fuerat. Res enim ipsa loquitur, Formularum istarum, & subscriptionum, si semel Diotrophes vnus aut alter dominari Clero Domini cœperint, nullum finem esse: præsertim si hi Magistratum habeant plus æquo credulum & sibi obsequentem.

Post hanc tragœdiam, Naumburgum est relegatus, & per triennium in ea vrbe commoratus, Psalterij *Ψαλμ* *μετ* *γο* *ρ* versionem, quam Christo Domino in carcere vouerat, absoluit. Memini autem me audire versus quosdam de illius in ea vrbe exercitijs priuatis, qui ita habent:

*Hic studijs miscere preces, lacrymasq; solebam,*

*Tristis in exilio quum VVidebramus eram.*

*Solus eram, nec eram tamen illo tempore solus:*

*Quando suo mecum numine Christus erat.*

Post exactum triennium exulare iussus, (id quod illi & cum alijs bonis commune, & patrimonij causa difficile & singularis damni causa fuit) quum loca quædam adiisset, hospitium tandem honestum, & functionem sanctam obtinuit in valle Deciana, benignissimè eum vocante & tanquam Eliam exulem suscipiente, illustri & præpotente Heroe, D. IOANNE Comite Nassouiensi, cuius ea erat animi tum magnitudo tum pietas, vt Christi seruos & testes, nequaquam



quam in cuiusquam alterius Dynastæ gratiam, sibi iudicaret aspernandos: quo nomine & Ipsius excelsitati, & heroicæ posteritati haud dubiè benedicet Deus, eamq; mercede prophetarum ornabit.

Vt autem vir bonus *κοινὸν & γὰθόν*, commune bonum est, nec quicquam aliud maiori studio habet, quàm vt multis profit: ita VVidebramus noster, non tantùm Ecclesiæ, cui tum præesse cœperat, piè tum docendo tum viuendo; sed etiam vicinæ, cùm Ecclesiarum inspectione ipsius fidei & curæ demandata fideliter defungeretur, plurimum profuit.

Anno 1579, rogatu amplissimi Senatus Bremensis, & venia illustris Comitis ac Domini sui, Bremam, vnà cum viro clarissimo, D. Christophoro Pezelio, S. Theologiæ & orthodoxo & disertissimo Doctore, est profectus, ob dissidia quædam inter verbi Dei Ministros tum ibidem gliscentia, quæ, Deo ipsorum consilij benedicente, vtriusq; diligenti moderatione, studio veri & grauitate simplici, sunt sēpita.

Quadriennio pōst, collega Reuerendo & clarissimo viro, Gaspare Oleuiano S. Theologiæ Doctore, Ecclesias in ea ditione Solmēsi, quæ subiecta est inclyto & Illustri, magnanimoque Heroi, D. Conrado Comiti à Solms, Braunfels, & Domino in Müntzenberg, reduxit ad synceritatem puritatemq; doctrinæ Apostolicæ, & ceremoniarū primitiua Ecclesiæ. Vtinam id in alijs quoq; Ecclesijs, in quibus non pauca Pontificia corruptelæ in ceremonijs & liturgia Sacramentorum reliquæ hæserunt, tandem aliquando præstetur.

Scio ego, quosdam sic acquiescere in rudimentis illis suæ Ecclesiasticæ Reformationis, & in hominum quorundam qui illis tum defuncti sunt, quum obscurior



rior adhuc doctrinæ fulgor in eorum mentibus esset, nimia admiratione: vt eos tanquam nouatores accusent, qui nonnulla emendant, quædam etiam abrogant, vt horrendos illos exorcismos in Baptismo infantum: idola, & alia portenta.

Verum enim uerò, illos cogitare oportebat; primò, neq; Lutheri, neq; vlliùs alterius tantam apud pios auctoritatem esse debere, vt eius præiudicio contentos, negligere & institutionem & exemplum primitiuæ Ecclesiæ oporteat: deinde, multò satius esse, si quæ Ecclesia sua vulnera & suos næuos sentiat & agnoscat, & illis medicam manum adhibeat: quàm si lethargo & stupore laborans, sua mala non sentiat, ac proinde nec medicam manum admittat.

Vocatus tandem est Doctor VVidebramus, ab Illustrissimo & potentissimo Principe nostro, Duce Io. hanne Casimiro, Comite Palatino ad Rhenum &c. Heydelbergam, Anno 1584, vt deliberationibus de Ecclesijs & Scholis rectè regendis, vnà cum alijs quibusdam clarissimis & optimis ac prudentissimis viris, Senatoribus Ecclesiasticis, & interesset & præset.

Memini me audire à Cl. viro, Doctore Io. Iacobo Grynæo, factum, vt cum vtriusq; ipsorum opera, diuersa non nihil ratione, conducta esset ab Illustrissimo Principe, ac Grynæo Basileam recurrendum esset; VVidebramus hoc Propemptico votiuo ipsum prosequeretur: cuius etiam paulò ante sanctum vitæ huius exitum memoriam reficiens, benè precatus est ministerio ipsius Academico, ac Deo gratias egit, quòd sibi datum esset, inter sancta Domini Grynæi (qui ipsum non infrequenter inuisere solebat) colloquia postremos vitæ huius dies claudere:



# O R A T I O

*Quos animis dudum iunxit communio Christi,  
Quàm bene corporibus nunc quoq; iunxit amor!  
O GRYNÆE mei pars altera pectoris, vnus  
Dum sumus in Domino spiritus atq; caro.*

*Quàm cupiam vitæ reliquum traducere tecum,  
Inq; tuo moriens claudere fata sinu:*

*Ve lucrari Animas, de carne & sanguine Christi  
Falsa refutando, vera probando, queam?*

*Vade, redi incolumis GRYNÆE, interq; precandum  
Cum pietate mei nominis esto memor:*

*Donec ab his turbis ereptos, pace perenni  
Vnanimes cæli iungat in arce domus:*

*Accidit autem illi id quod est in vetere prouerbio:  
Mala senium accelerant.*

*Αἱ γὰρ ἐν κακότητι βροτοὶ καταγχεῖσθαι.*

*Quippe repente homines curisq; malisq; senescunt.*

Docendi laboribus, curis de Ecclesia, incommodis exilij, iniurijs aduersariorum fractus & confectus, Heidelbergam superiore anno venit: ac tandem hæctica febre, ad quam alia quoq; symptomata accefferunt, correptus, toto illo tēpore quo decubuit, summisit se instar agni sub potenti manu Dei. De vita æterna, & de sua ad Christum migratione, & cū Grynæo, & cum alijs optimis & clarissimis viris libētissimè colloquebatur.

Cū ei recitasset Grynæus historiam de Babyla Martyre Antiocheno, qui cum grandæua coniuge, & aliquot filijs ductus esset ad supplicium, & vbi spectator fuisset necis filiorum, ceruicem feriendam præbens dixit: Reuertere anima mea ad requiem tuam, quia Iehouah benefecit tibi: liberafti animā meam à morte, pedem meum à lapsu, oculos meos à lacrymis: ambulabo in luce viuentiū: VVidebramus noster ea valde delect



delectabatur, & recitabat verba Pauli: Cupio migrare hinc, & esse cum Christo: ac testabatur, se desiderio clari conspectus Dei & liberationis à toto peccato, vehementer affici.

Rogauit autem aliquoties & ipsum & alios quosdam præstantes viros, vt testes essent sui sermonis, quo professus esset, se iam in actu postremo vitæ suæ, cum sensu gaudij spiritualis, doctrinam Ecclesiæ nostræ de Eucharistia & de Spirituali communione corporis & sanguinis Christi, ad cuius agnitionem serò vocatus esset à Domino, probare: eius cognitionem sibi gratulari: & in ea acquiescentem ad Christum Dominum migrare.

Alio quodam die Grynæo dicebat: Tu verò testis mihi esto, quòd sanctè in fide Christi Iesu, sim mortuus.

Gratias etiam suo nomine agi voluit, pro beneficijs in sese collatis, & Illustrissimo nostro Principi, Duci Iohanni Casimiro, & Illustrissimæ eius coniugi, ac huius parenti, Illustrissimo & potentissimo Duci Saxonix, D. Augusto, Principi Electori.

Hoc solum valdè querebatur, quòd quum eo animo Heydelbergam accessisset, vt regni Christi negotijs promouendis, reliquum vitæ tempus optimè collocaret, aduersa valetudine præpeditus, minus præstitisset quàm volebat. Responsum illi est, magnū quiddam esse Ecclesiæ caussa, puras ad Deum attollere manus, concipere pias preces & *δοξολογίας*, publico priuatoque nomine Deo gratias agere pro spirituali & corporali benedictione: ac eo nomine & ipsum & alios pios, plurimum prodesse Ecclesiæ, etiam quando per valetudinem munia cœtera obire non possunt.



Decessit piè, placideque vt nouistis, 2 Maij, manè,  
intra quintam & sextam: ac verè ijs annumerari po-  
test, de quibus dictum est: Beati mortui, qui in Domi-  
no moriuntur: quoniam requiescunt à suis laboribus.

Reliquit idem ingenij monumenta non contem-  
nenda, venusta & pia Poëmata, quæ propter eleganti-  
am magnis illis viris, Domino Camerario & Philippo,  
probata fuerunt: sed certo consilio hætenus suppres-  
sa: quæ si bonis & doctis annuentibus per hæredes edi  
aliquando poterunt, eruditæ elegantix studiosis non  
iniucunda vel inutilia fore putantur.

Hæc sunt, Magnificè & Illustris Domine Rector,  
clarissimi Doctores & Professores, nobiles generosi, cœ-  
teri que studiosi iuuenes, quæ de Doctore Friderico  
Videbramo mihi visum est dicere. Est enim mihi & il-  
lius & aliorum defunctorum amicorum cogitatio dul-  
cis: (vt cum Seneca loquar) quia habui illos non tan-  
quam amissurus, sed præmissurus: amisi autem & præ-  
misi illos, tanquam habeam.

Quod si, sententia beati Ambrosij, officium hu-  
manitatis defuncto collatum, præstantissimum est. Of-  
ficium autem humanitatis est, ei qui piè, iustè, tempe-  
ranter vixit (vt noster Videbramus) virtutis testi-  
monium perhibere: equidem eximio humanitatis  
officio me defunctum esse; ac mihi candidorum ho-  
minum candida iudicia, neutiquam defutura, non in-  
iuria persuadeo.

Quod reliquum est, Deo gratias ago, quod Doctori  
Videbramo dedit, vt bonum certamen certaret, cur-  
sum consummaret, fidē retineret; ac eundem precor,  
vt nobis quoque det, vt in offenso pede per mundi  
huius tenebras, ad coelestem lucem alacres contendamus



mus, duce & auspice Christo Iesu Domino nostro; ac  
ut re ipsa experiamur, hunc omnipotentem, veracem  
Dei Filium in carne patefactum, in Spiritu iustifica-  
tum, nobis & in vita & in morte esse lucrum.

D I X I.

CARMINA FVNEBRIA.

DE OBITU

CLARISS. VIRI POETAE-

LAUDATISSIMI, Dn. FRIDE-

RICI VVIDEBRAMI, S. THEOLOGIAE

Doctoris, placidè in Christo defuncti

Heidelbergæ:

TELLVRIS ET FOSSORIS

διαλογισμός.

Tel. *C*Ur propriam fossor violas malefide parentem,

Rumpere cur huius claustra ligone paras?

Nonne aliud fuerat, quo caca cadauera ponas

Hospitium, an me non tristior extat humus?

Antè salutiferas locus hic proferre solebat

Herbas, nunc tetri plenus odoris erit.

Antè puellaris flores hinc cura legendi:

Tollere nunc erit hinc ossa recta labor.

Ios. Quid doleas, nescis: fundis sine mente querelas:

Nunc iras; grates, sat scio, deinde feres.

Non mihi communis temerè pia membra parentis

Rumpere, sed semper mens decorare fuit.

Nunc



# CARMINA

- Nunc quoque quicquid ago, non dedecus, aſſe tua ſpecto  
Commoda, per longos non moritura dies.
- Tel. Ergò age, neuè diu mentem ſuſpendito noſtram,  
Quid ſibi vult iſtud, dic bone foſſor, opus?
- Fof. Eſſe vir doctrinæ fama ſuper æthera notus,  
Sedem defuncto hîc hoſpitiumq; paro.  
Si ferres famâ totum cantata per orbem  
Baſama, non tibi tam gloria magna foret,  
Quàm fuerit pia membra ſenîs tumulata ſouenti:  
De quo quàm fari pauca, tacere iuuat.  
Hei mihi quantus erat, quàm multis ſepè petitus,  
Quem Panoris molli ſola ſouebit humo!  
Hei mihi quàm multi buſto hoc poſſe multa reperto  
Secla, loco hoc, dicent, ô VVidebrame iaces.  
In nunc atque nouas porrò contexere querelas,  
Dum facio vt ſummus ſic tibi creſcat honos.
- Tel. Neſcieram: quaſo nugis ignoſce rogantis:  
Tanti hominîs ſemper molliter oſſa regam.

Επιτάφιος

## EIVSDEM.

**H**ic memorande ſenex poſſe mille pericula vitæ,  
Sancte Dei miles iam VVidebrame cubas.  
Alter eras Simeon: qui te non nouit, is illum  
Cogitet, effigies optima vatis eras.  
Ille quidem manibus tenerum portauit Ieſum:  
Cura tibi hunc lingua ferre animoq; fuit.  
Heidelbergæ ſibi te tam citò luget ademptum:  
Sed ſuperi gaudent, Thariadæq; ſinus.

Annus



FVNEBRIA.

Annus & dies obitus.

*Vix benè finierant Maia sua festa Kalendæ,  
Astra habet arte potens & pietate senex.*

I. Rybinius E. Pol. manibus  
senis pientissimi sibi que  
amiciissimi gratificans  
✠✠✠✠✠.

MEMORIAE D. FRIDERICI VVIDE-  
BRAMI, OPTIMI ET THEO-  
logi, & Poetæ.

*S*ummo poëta equum est poëtas carmine  
Memori parentare; Ipse quod facerem libens;  
Sed metuo, olores inter anser ne strepam,  
Video & voluntati esse vires impares.  
Laudes viri ergo tanti ego fortè ingenti  
Ne deceram culpa (ipsius requirerent  
Nam VVidebrami venam, & argutam chelyn)  
Tantum à Deo hoc optabo donum Ecclesiæ,  
Felix ut illa ita, atque concors floreat,  
Ne quando VVidebrami opem desideret.

V. A. P.

EPITAPHIVM  
FRIDERICI VVIDEBRAMI  
D. THEOLOGI,  
Scriptum à  
DAVIDE PAREO SILESIQ.

*F*Riderici hac tegit vrna VVidebrami  
Doctōis pia membra : quem Nariscis

D

Posnicum



# C A R M I N A

Tractus eò per vim, quod vel præsaga futuri  
 Mens foret, aut fugeret grande laboris onus.  
 Nec mora, cum reliquis, sic Electore iubente,  
 Nomine Doctoris claruit, inde crucis;  
 Dogmata quod nollet Torgæ composta probare,  
 Scripturis sacris esse aliena ratus.  
 Post tamen infractus paulatim carcere, iisdem  
 Applicuit certa conditione manum.  
 Liber ab hoc ternis Neoburgi substitit annis,  
 Quo miserum voluit Dux remanere loco.  
 Tandem cum fixum nollet deponere sensum,  
 Saxonicos, iussus linguere, liquit agros.  
 Vxoremque trahens secum, natosq; tenellos  
 Nassouij petijt rura vetusta soli.  
 Doctrinaq; pia Decianis pavit in agris  
 Commissum, ferme per duo lustra, gregem.  
 Inde Eitelbergam venit, pars vna Senatus,  
 Omnia quo Princeps templa scholasq; regit.  
 Sæuitia hinc morbi post annum est mortuus, inter  
 Suffultas solida speq; fideq; preces,  
 Quas numeris solitus fuerat comprehendere doctis,  
 Ut probat Isaida nobile regis opus,  
 Æmula complectens Romanæ carmina linguae,  
 Siue Sibere tuis, siue Eobane tuis.  
 Tres nati, totidem natæ cum matre, rogarunt  
 Versibus appingi tale Epigramma meis.  
 Iure exoptasti cælestia gaudia votis  
 Fridrice, in terris dum miser hospes eras.  
 Altera tristitiæ vitæ pars, prima laborum,  
 Morborumq; tibi tertia tota fuit:  
 Sudasti iuuenis, vir flesti, iamq; senescens  
 Ex vitio stomachi deficientis, obis



FVNEBRIA.

*Ad tempus, nobis: Domino tua vita superstes,  
Eſt & erit: credens interiſſe nequit.  
Inſertus vitæ viti qui palmes adheret,  
Non metuit falcem, mors violenta, tuam.*

Simon Stenius Lomacenſis.

A L I V D.

VVidebramus amicis loquitur.

*Quam mihi terra dedit patriam malè fida, repulſum  
Egit in exilium.  
In cælis pia quæ manſit me patria, triſti  
Eximit exilio.  
O nati, ô coniunx, meus, ô vos, ſanguis, amici  
Siftite nunc lacrymas.  
Vt mundo naſci mors eſt: ſic proſuſ, eidem,  
Eſt noua vita, mori.*

Sylueſter Steyer Leoualla.

CYGNVS CANTANS.

EPIGRAMMA

IN OBITVM FRIDERICI  
VVIDEBRAMI THEOL. D.  
ſcriptum ab

EBERHARDO DEDEKINO BREMENSI.

**F** Ama fidem fecit moriturus vt ardua Cygnus  
Apret in argutos ora, trahatq; modos:  
Scilicet à Zephyris vbi forte remurmuret aër,  
Spirituumq; alto in gutture format opus.

D 3

Qui



CARMINA FVNEBRIA.

Qui viuens igitur se nulla in carmina soluit,  
Dulcia sub media carmina morte canit!  
Ista subest rebus Natura abscondita virtus,  
Mortis & hæc nostra symbola cygnus habet.  
Sic audita senis vox est Simeonis ad aras,  
Sic tua in argenti vox Videbrame thoro.  
Scilicet afflatum cælo se sensit uterq,  
Et sibi promissum vidit uterq, DEVM.  
Ille oculis & corde simul: qua parte beati  
Quisq, sumus; tantum hic non dubitante fide.  
Nil oculis vidisse inuat, si pectore nolis:  
Corde suo Christum qui videt, ille videt.  
Nec cæli tantum hinc metuas bonus interuallum,  
Quo nunc à nobis carne Redemptor abest.  
Namq, suo præsens immenso numine, regnum  
Vi patriâ exercet victor ubiq, suum.  
Nec tibi simpliciter quoq, corpus abesse putabis,  
Membra suo capiti si sacra Flamma liget.  
Inde mori sanctis dulce est, omnisq, sepulcri,  
Terror in æternæ gaudia lucis abit.  
Nempe Deo vitam si quis moriente recepit,  
Huic mors in viuo fit noua vita Deo.  
Hic si se videat promissa in pace resolui,  
Dulcia cygneo carmina more canat:  
Grata quies cumulus, quibus est fundata supernè,  
Sicq, fide in passo spes animosa DEO.

F I N I S.



B. Ignatij dictum:  
AMOR MEVS CRVCIFIXVS EST:

Versibus expositum à clarissimis & præ-  
stantissimis viris:

Io. CRATONE, Archiatro Cæs.  
PETRO MONAVIO, Medico Cæs.  
IACOBO MONAVIO, Patritio Vratisl. &  
NICOLAO RHEDINGERO, Patritio Vratisl.

P. M.

**F** igitur, heu, tristi ligno meus ardor IESVS:

Et mea vita truci morte peremta cadit.

Quàm fuit hic verus, nec ficti pectoris ardor:

Cùm pro me lethi sponte subiuit onus!

O vinam dignas possem persolvere grates,

Et possem hoc solo semper amore frui!

O amor, ô noster, spes ô dulcissima, IESV:

Nos ut amas; sic te fac ut amare queam.

Ah pereat, cui non amor hic magis omnibus vnus.

Sic placet, ut nullum quærat amorem alium.

Te mihi Christe peto; nostri tu semper amorem

Conserua: ut viuus te, moriens et, amem.

I. C.

**F**ixus in hoc ligno meus est Amor vnus IESVS,

Morte sua vitam qui mihi restituit.

Ah vinam dignas possem persolvere grates!

Verùm opis hoc nostræ non satis esse scio.

Spes mea Christe Deus, me respice: ut huius amoris,

Quo foueor viuus, sim memor immoriens.

Sic moriens vinam, sic vitam morte lucrabor;

Nam tuus in vitam me reuocabit amor.

Qua



N. R.

**Q**ua pueris intortis fundit se in brachia nodis  
 Arbor, in infames noxa parata reos:  
 Hic regna: hic arces: hic nostri portus Amoris:  
 Hic vita fulcrum delictumq; mea.  
 Hic lethi spolum, partiq; insigne trophæi  
 Christe tui: hic soniti esset ara parata gregi.  
 Quæ pietas! hostes in parti iura triumphi,  
 In partes regni Christe vocare tui!  
 O flamma, ô amor, ô æterni fomes Amoris!  
 Vitam è vulneribus vulneris autor habet.  
 Fronde carens arbor pleno se germine prodit,  
 Et radice carens vertice summa ferit.  
 Quamq; notat præceptis infami nomine vulgus,  
 Hinc vita & fama manat origo mea.  
 Nulla alia hos fructus, nulla hos tulit arbor Amores,  
 Nec Libani tales procreat hortus opes.  
 Et mortem dubitet quis pro crucis arce pacisci,  
 In media noster si cruce regnat Amor?

I. M.

**C**hriste tuo partos ne despice sanguine vernas,  
 Qui vita hac ponunt in trabe fulcra sua.  
 Excute vitalem gelidis præcordibus ignem,  
 Quæ posita in Flamma esset spesq; salusq; tua.  
 Nam quid? ad hunc si Christe tuum torpebimus ignem,  
 Quis miseris poterit iam satis esse calor?  
**CRUX TVA NOSTER AMOR: quid non speremus Aman-**  
**Fortius in media si cruce feruet amor.** (ces &

